

Diezdos cantante te awor pa un canto pa Aruba

ORANJESTAD (AAN)- Despues di e promer reunion teni ariba Diamars dia 21 di Februari den Hotel Idefre, por a constata for di e gruponan presente cu tin un interes enorme pa participa. Ya caba tin un total di 5 grupo inscribi cu ta bay acompaña 10 pa 12 cantante.

Organizadonan ta pidi disculpa pa motibo di comunicacion, no por a cancela e reunion di Diamars ultimo en conexon cu entierro di sr. Eddy Bennett (q.e.p.d.).

Pa e motibo aki organizadonan a dicidi di continua e reunion Dialuna awor dia 27 di Februari pa 7.30 p.m. den Trappers Club na Santa Cruz.

Organizadonan ta conta ariba presencia di tur managers di gruponan musical tipico, pa asina conhuntamente presenta Aruba ariba su dia un festival di nivel.

Gruponan cu a inscribi caba ta:

1. Placentero, Ritmo y Cuerde, bao direccion di Hemmy

Croes, 2. Tipico Latino bao direccion di sr. Dotty Boekhoudt; 3. Los Pimentosos bao direccion di sr. Vicente Kelly, 4. Ola Tropical bao direccion di sr. Ricky Kock y sr. v.d.Biezen. 5. Y los Arbonitos.

Tambe organizadonan kier haci un coreccion di e promer comunicado, na unda a worde menciona cu e ritmonan mester ta un wals, tumba y kadans. Ta coregi cu kadans mester ta un danza.

Pa inscripcion por haci esaki tur dia ora di trabao na In-

stituto di Cultura cerca sr. Elvis Tromp na telefoon 31618 y 22185, of tambe cerca sr. Leoncio Bislik, na telefoon 31200.

Ultimo dia pa inscripcion ta ariba 13 di maart 1989, na unda lot ta ser tira. Pa un mihor organizacion comision organizador a stipula solamente 3 reunion pa forma y presenta e festival "Un canto pa Aruba".

Reunionnan ta programa ariba 27 Februari, 7 Maart y 13 di Maart 1989 den Trappers club na Santa Cruz pa 7.30 di anochi.

Organizadonan ta conta ariba participacion di tur gruponan tipico pa asina demostra cu nan tambe por canta pa nan isla Aruba en conexon cu dia di Aruba. E cancion participante mester tin un canto dedica na Aruba, no mester ta directamente dedica na e Himno y Bandera, pero si mester ta dedica na Aruba.

Dia di Festival ta 17 di maart 1989 y ta start exactamente pa 8'or di anochi y tur cos ta indica cu e lo bay tuma lugar den Club Caiqueto.

REMITIDO

Tur lo disfruta igual di C.A.O.

Di es forma aki, ami, Edmond B. Lo-A-Njoe shopsteward di Albo Playa Linda kier a manda un palabra di gradicimento na tur es miembronan di F.T.A. cu di un forma of otro a aporta na e lucha di nos causa cu nan un forma relativamente corto a yega na su fin Diahuebs anochi, door di un acuerdo di ambos banda esta di W.A.B. y F.T.A.

Alavez nos kier a condena e actitud terko di tur e San Thomasnan cu no tabata tin confianza den nan shopstewardnan y keda sin papia mes di tur esnan cu a keda traicionando nos te na final di e welga y cu awor si lo bay disfruta tambe igual di nos C.A.O. venidero.

Di locual Pueblo mes por a huzga cu esey no ta na ningun momento algo fair compara cu tur esnan cu tur biaha tabata bini POVA na nos reunionnan

general gastando asina tur dia, ida e vuelta na gasoline y quizas nan poco placa cu nan tabata tin ainda pero na interes di cada un di nan su familia y su mes, sacrificando asina placa y tempo, mientras cu otro ta haya ta bon pa no presencia mes na e reunionnan general y manifestacionnan di F.T.A.

Y pa colmo de los colmos tabata tin un porciento masha chiquito di trahadornan cu tabata tin e guts hasta pa sigui traha te na ultimo, strobando asina e solidaridat di e sobra cu ta na welga. E ora ey ta pa pueblo mes huzga ta di ki espiritu of material e Arubianonan ey lo ta traha.

Na banda di e shopstewardnan nos kier a manda palabranan di gradicimento na prome lugar

na señor Anselmo Pontilius cu a sabi di guia nos na un forma hopi eficaz den tur e reunionnan, na di dos lugar tambe na Sepa cu di un forma masha spontaño a bin na nos yudanza y muestra nos ariba e hecho cu locual nos tabata boga pe tabata algo na su lugar, na di tres lugar na e mediadornan y na e cuatro, last but not least na W.A.B. mes cu na ultimo momento a ripara cu esey lo tabata e mihor cos pa ambos banda.

E acuerdo no lo worde yama "Acuerdo di Noord" manera chistosamente a worde comenta door di nos, W.A.B. y mediadornan sino e lo bay carga e number, "Ta den e Pipa e ta".

E.B. Lo-A Njoe
Rooi Taki 1.

Tipico Criollo den Bon Bini Festival

ORANJESTAD (AAN)- Diamars awor, e bonbini festival den Fort Zoutman lo ta yen di atraccionnan tanto pa e bishitantenan como e hendenan local.

Lo bay tin actuacion di grupo tipico "Criollo" di Boysie Croes, grupo di baile "Teatro di

Danza Arubano", bao direccion di Sra. Diana Antonette, caha di orgel "Mi Recuerdo" Di Chompin Geerman.

Animacion ta den man di Lenny Denz, sonido di Gilbert Albertus, bao encargo di Bushiri Beach Hotel y cushina bon prepara pa Pachi's Restaurant.

casa del mar
beach resort

WE ARE LOOKING FOR:

Promotion Representatives


REQUIREMENTS:

- ENGLISH LANGUAGE
- SELF MOTIVATION
- OVER 21 YEARS OF AGE

WE OFFER:

- * JOB SECURITY
- * GOOD BENEFITS
- * SALARY + COMMISSION + BONUSES

EXPERIENCE APPRECIATED BUT NOT NECESSARY. CALL 27000 EXT. 636 BETWEEN 9 A.M. AND 5 P.M. FOR AN APPOINTMENT. ASK FOR JONNIE.



Despues di a pone un anuncio general pa joyriding di e auto A-9603 a logra haya e auto aki dilanti J.F.K. School. E joyrider tabata e hoben M.V. menor di edad cu algun dia pasa tabata den noticia caba pa un caso di robo.